

საქართველოს ეკონომიკისა და მდგრადი განვითარების სამინისტროს განცხადება

შიდა წყალსატევებში თევზჭერის ლიცენზიის გაცემის მიზნით აუქციონის ჩატარების შესახებ

№ იცრან	ობიექტი	სახეობა	დასაჭერი თევზის მარაგი პირველი წლისათვის	საწყისი ფასი (ლარი)	ბე	ბიჯი
1	ტაბაწყურის ტბა ჯავახეთის ზეგანი ბორჯომისა და ახალქალაქის მუნიციპალიტეტი	ჭაფალა	10	1 665	333	167
		ხრამული	2			
		კობრი	0,4			
სულ			12,4			
ლიცენზიის გამცემი ორგანოს დასახელება		საქართველოს ეკონომიკისა და მდგრადი განვითარების სამინისტრო				
აუქციონის ჩატარების ადგილი		საქართველოს ეკონომიკისა და მდგრადი განვითარების სამინისტრო. ჭანტურიას ქ.№12 ტელ: 99 11 29; 99 10 33; აუქციონში მონაწილეობაზე განცხადებების მიღება მოხდება ა/წ 21 ივლისიდან 2 სექტემბრის ჩათვლით 5 საათამდე. აუქციონი ჩატარდება ა/წ 3 სექტემბერს 12 საათიდან საქართველოს ეკონომიკისა და მდგრადი განვითარების სამინისტროს შენობაში				
ბიჯი შეადგენს საწყისი ფასის 10%-ს						
სალიცენზიო მოსაკრებელი		ლიცენზიის მაძიებელი პირი ვალდებულია გადაიხადოს თითოეულ ობიექტზე სალიცენზიო მოსაკრებელი წინასწარ და მისი გადახდის დამადასტურებელი საბუთი დაურთოს აუქციონში მონაწილეობის მისაღებად წარმოდგენილ განცხადებას. მოსაკრებელი შეადგენს 200 ლარს. სალიცენზიო მოსაკრებლის ანგარიშის ნომერი: ერთიანი ანგარიში არასაგადასახადო (თბილისი), ანგარიშის ნომერი 200122900 , მიმღების ბანკი: სახელმწიფო ხაზინა, ბანკის კოდი: 220101222 , სახაზინო კოდი: 300773040				
დოკუმენტაციასთან და მოსაკრებლის ქვითართან ერთად წარმოადგინოს “ბე”-ს გადახდის ქვითარი		„ბე“-ს გადახდის ანგარიში: ერთიანი ანგარიში არასაგადასახადო (ცენტრალიზებული შემოსულობები) ანგარიშის ნომერი: 200122900 , მიმღების ბანკი: სახელმწიფო ხაზინა, ბანკის კოდი: 220101222 , სახაზინო კოდი: 302005000				
შიდა წყალსატევებში თევზჭერის ლიცენზიის მისაღებად წარსადგენი		განცხადება, აუქციონში მონაწილეობის თაობაზე (სასურველი ლოტის მითითებით).				

<p>დოკუმენტაცია</p>	<p>ა) კერძო სამართლის იურიდიული პირისა და ინდ. მეწარმისათვის – სახელმწიფო რეესტრიდან ამონაწერი. ბ) ფიზიკური პირისათვის – იდენტიფიკაციისათვის დამადასტურებელი კანონმდებლობით დადგენილი საბუთების ასლები. გ) საჯარო სამართლის იურიდიული პირისათვის – სადამფუძნებლო საბუთების დამოწმებული ასლები. დ) სალიცენზიო მოსაკრებლის გადახდის ქვითარი. ე) „ბე“-ს გადახდის ქვითარი.</p>
<p>თანხის გადახდის პირობები</p>	<p>აუქციონში გამარჯვებული პირის მიერ აუქციონზე დაფიქსირებული საბოლოო თანხის გადახდის ვადა განისაზღვრება საქართველოს ეკონომიკური განვითარების მინისტრის 2008 წლის 4 აპრილის №1-1/480 ბრძანებით დამტკიცებული „სარგებლობის ლიცენზიის გაცემის მიზნით აუქციონის გამართვის, სარგებლობის ლიცენზიის გაცემის საწყისი ფასის განსაზღვრისა და ანგარიშსწორების წესის შესახებ“ დებულების მე-11 მუხლის შესაბამისად. მოცემული დროის მონაკვეთში თანხის სრულად გადაუხდელობის შემთხვევაში, გამარჯვებულს ერთმევა გამარჯვებულის სტატუსი და მასზე ვრცელდება საქართველოს მოქმედი კანონმდებლობით გათვალისწინებული პასუხისმგებლობა.</p>
<p>ლიცენზიის მოქმედების ვადა</p>	<p>20 წელი</p>
<p>სალიცენზიო პირობები</p> <p>1. ლიცენზიის მფლობელი ვალდებულია:</p> <p>ა) ლიცენზიის მიღებიდან ერთი წლის ვადაში გარემოს დაცვისა და ბუნებრივი რესურსების სამინისტროს წარუდგინოს დასკვნა წყლის ობიექტის ეკოლოგიური, ბიოლოგიურ-ეკონომიკური, მათ შორის წყლის ხარისხის გამოკვლევის შესახებ და მოქმედი კანონმდებლობის საფუძველზე, საქართველოს გარემოს დაცვისა და ბუნებრივი რესურსების სამინისტროს მიერ დადგენილი წესის შესაბამისად შედგენილი მართვის 5 წლიანი გეგმა (მისი ვადის გასვლის შემდეგ ახალი 5-წლიანი გეგმები ლიცენზიის ვადის მიხედვით), რომელიც თანხმდება საქართველოს გარემოს დაცვისა და ბუნებრივი რესურსების სამინისტროსთან;</p> <p>ბ) შეასრულოს მართვის გეგმით გათვალისწინებული ღონისძიებები;</p> <p>გ) საქართველოს კანონმდებლობით დადგენილი წესით აღკვეთოს და შესაბამის ორგანოებს დროულად მიაწოდოს ინფორმაცია ლიცენზიით განსაზღვრულ წყლის ობიექტზე სამართალდარღვევის ფაქტების შესახებ;</p> <p>დ) ისარგებლოს წყლის ობიექტებით და მათში არსებული რესურსით მხოლოდ ლიცენზიით განსაზღვრული მიზნებითა და ფარგლებში;</p> <p>ე) დაიცვას გარემოს დაცვისა და ბუნებრივი რესურსების სამინისტროს მიერ დადგენილი თევზჭერის ვადები და წესები;</p> <p>ვ) დაიცვას ეკონომიკისა და მდგრადი განვითარების სამინისტროს მიერ დადგენილი თევზჭერის კვოტები;</p> <p>ზ) უზრუნველყოს წყლის ობიექტში არსებული მაღალი საკონსერვაციო ღირებულების</p>	

მქონე თევზისა და სხვა ჰიდრობიონტების მრავალფეროვნების და სიცოცხლისუნარიანი პოპულაციების შენარჩუნება, განახორციელოს მათი აღწარმოების პროგრამები.

ზ.ა) ტაბაწყურის ტბაზე ჩატარდეს სამეცნიერო კვლევა ტაბაწყურის (რომანოვის) კალმახის (*Salmo trutta trutta*-ს *lacustris var romanovi*) პოპულაციის მდგომარეობის შეფასების მიზნით, რომლის ფარგლებში დადგინდეს მისი ზუსტი ტაქსონომიური სტატუსი და შემუშავებული იქნას მისი დაცვის ღონისძიებები, რაც უნდა აისახოს მენეჯმენტის გეგმაში;

ზ.ბ) ტაბაწყურის ტბაში შემუშავდეს ორაგულისებრთა ან/და სიგისებრთა სახეობების დაცვისა და გამრავლების სამოქმედო გეგმა, გარემოს დაცვისა და ბუნებრივი რესურსების სამინისტროსთან შეთანხმებით და ჩატარდეს მათი გამრავლების ხელშეწყობის ღონისძიებები, რომელიც უნდა აისახოს მენეჯმენტის გეგმაში;

თ) უზრუნველყოს სარეწაო ჟურნალის დადგენილი ფორმით, აგრეთვე მეურნეობაში თევზის რესურსით სარგებლობის, აღწარმოების და დაცვის შიდასააღრიცხვო დოკუმენტაციის წარმოება;

ი) არ დაუშვას წყალსატევში თევზის ახალი სახეობის შეყვანა და გამრავლება, ასევე წყალსატევის დათევზიანება გარემოს დაცვისა და ბუნებრივი რესურსების სამინისტროსთან შეთანხმების გარეშე;

კ) გარემოს დაცვისა და ბუნებრივი რესურსების სამინისტროს სახელმწიფო საქვეუწყებო დაწესებულება გარემოს დაცვის ინსპექციას თევზჭერის პერიოდში ყოველი თვის 5 რიცხვამდე მიაწოდოს ინფორმაცია მოპოვებული თევზისა და სხვა ჰიდრობიონტების რესურსის (როგორც ბუნებრივი, ისე ხელოვნურად მოშენებულის) შესახებ სახეობებისა და ოდენობების ჩვენებით, ასევე ვალდებულია გარემოს დაცვისა და ბუნებრივი რესურსების სამინისტროს გარემოს დაცვის ინსპექციას ყოველწლიურად კანონით დადგენილ ვადაში წარუდგინოს სრული ანგარიში სალიცენზიო პირობებისა და მართვის გეგმით გათვალისწინებული ღონისძიებების შესრულებაზე (მათ შორის თევზსამეურნეო ღონისძიებების გატარების, თევზის რესურსის მარაგების აღრიცხვის, წყალსატევის თევზპროდუქტიულობის და თევზის რესურსით სარგებლობის შესახებ სახეობებისა და ოდენობების მიხედვით);

ლ) უზრუნველყოს საქართველოს „წითელ ნუსხაში“ შეტანილი ცხოველთა სამყაროს ობიექტების დაცვისა და ბუნებრივი აღწარმოების მიზნობრივი პროგრამის შემუშავება და განხორციელება;

მ) უზრუნველყოს გადამფრენი წყალმცურავი ფრინველების, განსაკუთებით კი საქართველოს წითელ ნუსხაში შეტანილი სახეობების, რომლებიც ტბას იყენებენ დასასვენებლად ან და დროებით გასაჩერებელ ადგილად, ფონური გამოკვლევა, აგრეთვე განახორციელოს ღონისძიებები მათი რაოდენობის შესანარჩუნებლად და ადგილსამყოფელების დასაცავად (*ტაბაწყურის ტბისთვის*);

ნ) უზრუნველყოს ტაბაწყურის გარშემო არსებული ჭარბტენიანი ტერიტორიების დაცვა ყოველგვარი მავნე ზემოქმედებისაგან (*ტაბაწყურის ტბისთვის*);

ო) იდენტიფიცირებული იქნას წავის სასოროე ზონები და სამრეწველო თევზჭერა განახორციელოს ამ ზონების გარეთ (*ტაბაწყურის ტბისთვის*);

პ) ლიცენზიანტი ლიცენზიის გაცემის წლის მომდევნო წელს და შემდეგ ყოველწლიურად

ეკონომიკური განვითარების სამინისტროში წარადგენს შესაბამის მოთხოვნას თევზის რესურსების მოპოვების კვოტის დამტკიცების თაობაზე, რომელშიც უნდა აისახოს ინფორმაცია თევზის რესურსის მარაგის შესახებ, რომელიც შეფასებულია შესაბამისი კვლევის საფუძველზე, წყალსატევის თევზპროდუქტიულობისა და თევზის რესურსით სარგებლობის შესახებ სახეობებისა და ოდენობების მიხედვით, რომელსაც ეკონომიკური განვითარების სამინისტრო უგზავნის გარემოს დაცვისა და ბუნებრივი რესურსების სამინისტროს და მასთან შეთანხმებით ადგენს თევზჭერის კვოტას;

ჟ) შეწყვიტოს თევზჭერის ობიექტებით სარგებლობა და დაუყოვნებლივ აცნობოს გარემოს დაცვისა და ბუნებრივი რესურსების სამინისტროს, ვეტერინარულ, სანიტარიულ-ეპიდემიოლოგიურ სამსახურებს თევზისა და სხვა ჰიდრობიონტების დაავადების, მათი საბინადრო გარემოს გაუარესების, განადგურების საშიშროების წარმოშობისა და დაღუპვის შესახებ განახორციელოს დაავადებების პროფილაქტიკისა და მათთან ბრძოლის კომპლექსური ღონისძიებანი;

ღ) ლიცენზიანტი ვალდებულია არააბორიგენულ სახეობებზე თევზჭერის პერიოდი (დაწყებისა და დამთავრების ვადები) შეატყობინოს საქართველოს გარემოს დაცვისა და ბუნებრივი რესურსების სამინისტროს სახელმწიფო საქვეუწყებო დაწესებულება – გარემოს დაცვის ინსპექციას 2 კვირით ადრე;

ს) ლიცენზიანტი ვალდებულია მართვის გეგმით გათვალისწინებული დათევზიანების ღონისძიებების განხორციელების შესახებ (დაწყებისა და დამთავრების ვადები) შეატყობინოს საქართველოს გარემოს დაცვისა და ბუნებრივი რესურსების სამინისტროს 2 კვირით ადრე და მხოლოდ შესაბამისი უფლებამოსილი წარმომადგენლის თანდასწრებით უზრუნველყოს დათევზიანება (რაზეც დგება შესაბამისი აქტი), დათევზიანებისას ასევე სავალდებულოა შესაბამისი ვეტერინარულ-სანიტარული დასკვნა;

ტ) ხელი არ შეუშალოს მისთვის გადაცემულ წყლის ობიექტზე სამეცნიერო-კვლევითი სამუშაოების ჩატარებას;

რ) ხელი არ შეუშალოს დაცული ტერიტორიების ადმინისტრაციის თანამშრომლებს თავიანთი უფლებამოსილების შესრულებაში (*ტაბაწყურის ტბისთვის*);

ს) ყველა სახის სამშენებლო საქმიანობა (მშენებლობის პროექტის ჩათვლით) შეათანხმოს გარემოს დაცვისა და ბუნებრივი რესურსების სსიპ დაცული ტერიტორიების სააგენტოსთან (*ტაბაწყურის ტბისთვის*);

ტ) უზრუნველყოს, რომ თევზის მომპოვებელთა გადაადგილებამ და ვიზიტებმა ტბაზე არ უნდა დაარღვიოს დაცულ ტერიტორიაზე დადგენილი რეჟიმი და არ მოახდინოს სხვა ბუნებრივ რესურსზე უარყოფითი ზემოქმედება (*ტაბაწყურის ტბისთვის*);

უ) უზრუნველყოს, რომ თევზის მომპოვებელთა გადაადგილებამ და ვიზიტებმა ტბაზე არ უნდა დაარღვიოს დაცულ ტერიტორიაზე დადგენილი რეჟიმი და არ მოახდინოს სხვა ბუნებრივ რესურსზე უარყოფითი ზემოქმედება (*ტაბაწყურის ტბისთვის*);

ფ) უზრუნველყოს წყალსატევში წყლის რაციონალური გამოყენება და იზრუნოს მისი ხარისხის შესანარჩუნებლად და აღსადგენად. ლიცენზიანტი ვალდებულია დაიცვას წყალსარგებლობის დადგენილი წესები, ნორმები და რეჟიმი. არ დაუშვას თევზის მოხვედრა სამელიორაციო ან/და სხვა სისტემებში, უზრუნველყოს წყლის დაცვა დაბინძურების, დანაგვიანებისა და დაშრეტისაგან, წყლის რესურსებზე მავნე ზემოქმედების თავიდან აცილება და მისი შედეგების ეფექტური ლიკვიდაცია;

ქ) გარემოს დაცვისა და ბუნებრივი რესურსების სამინისტროსთან შეთანხმების გარეშე არ დაუშვას მის სარგებლობაში არსებულ წყალსატევზე ან მის წყალდაცვით ზოლში ფსკერდამაღრმავებელი, ასაფეთქებელი სამუშაოების წარმოება, შემსვლელი და გამსვლელი არხების გაყვანა, კანონმდებლობით დადგენილი სათანადო ნებართვის გარეშე მშენებლობა, ნაპირის ამალღება, დამბებით გადაკეტვა და სხვა სახის სამუშაოების ჩატარება, რომელმაც შესაძლოა გამოიწვიოს წყალსატევის რეჟიმის შეცვლა;

ღ) ლიცენზიის მთლიანად გასხვისებისას დაიცვას “ლიცენზიებისა და ნებართვების შესახებ” საქართველოს კანონით დადგენილი მოთხოვნები;

ყ) ლიცენზიის ნაწილის გასხვისებიდან 6 თვის ვადაში ლიცენზიის მფლობელმა და ლიცენზიის მიმღებმა გარემოს დაცვისა და ბუნებრივი რესურსების სამინისტროში უნდა წარმოადგინონ ახალი მართვის გეგმები. ლიცენზიის გასხვისებამდე ლიცენზიის მფლობელმა საქართველოს გარემოს დაცვისა და ბუნებრივი რესურსების სამინისტროს სახელმწიფო საქვეუწყებო დაწესებულებას – გარემოს დაცვის ინსპექციას უნდა წარუდგინოს ანგარიში შესრულებული სამუშაოების შესახებ. ლიცენზიის გასხვისებამდე ლიცენზიით განსაზღვრული ტერიტორიის დაცვისათვის პასუხისმგებლობა ეკისრება ლიცენზიის მფლობელს;

შ) ლიცენზიის ნაწილის გასხვისების შემთხვევაში ლიცენზიანტები წარმოადგენენ განახლებულ მართვის გეგმას (გეგმებს). განახლებული მართვის გეგმის (გეგმების) შეთანხმებამდე ლიცენზიით განსაზღვრულ ფართობზე ბუნებრივი რესურსით სარგებლობა არ დაიშვება;

ჩ) ლიცენზიანტი ვალდებულია ლიცენზიის ვადის გასვლის წლისათვის უზრუნველყოს წყალსატევში თევზისა და სხვა ჰიდრობიონტების მართვის გეგმით ან/და დამატებითი სალიცენზიო პირობებით განსაზღვრული აღწარმოების გათვალისწინებით მიღწეული მარაგის არსებობა, ასევე გადააბაროს საქართველოს ეკონომიკური განვითარების სამინისტროს ლიცენზიით განსაზღვრული წყლის ობიექტში არსებული ბუნებრივი რესურსი;

ც) ლიცენზიით დადგენილი ვადის გასვლამდე კანონმდებლობით გათვალისწინებულ შემთხვევებში ლიცენზიის გაუქმებისას ლიცენზიანტი მატერიალურად პასუხისმგებელია წყლის ობიექტის ამ მუხლის „ჩ“ ქვეპუნქტში მოცემულ მდგომარეობაში მოყვანაზე და შესაბამისი, გათვალისწინებული ღონისძიებების განხორციელებაზე;

ძ) ლიცენზიანტი ვალდებულია შეასრულოს საქართველოს კანონმდებლობით გათვალისწინებული წყლის დაცვის და გამოყენების, ასევე ცხოველთა სამყაროს ობიექტებით სარგებლობის სხვა შესაბამისი მოთხოვნებიც;

2. ლიცენზიანტი ვალდებულია აანაზღაუროს სალიცენზიო პირობების კონტროლის განხორციელებისას ჩატარებული სამეცნიერ-კვლევების ხარჯები, რომელთა საფუძველზედაც დადასტურდა ლიცენზიის მფლობელის მიერ სალიცენზიო პირობების ან/და გარემოსდაცვითი კანონმდებლობის სხვა მოთხოვნათა დარღვევა;

3. შიდა წყალსაცავებსა და ტბებში წყლის დონის რეგულირება განხორციელდეს მესაკუთრესთან შეთანხმებით;

დამატებითი სალიცენზიო პირობები:

1. ტბების მიხედვით 2010-2011 წლების თევზჭერის სეზონისათვის თევზის რესურსის

მოპოვების კვოტა განისაზღვროს შემდეგ სახეობებზე და ოდენობებით:

ა) ლიცენზიის გაცემის წელს **ტაბაწყურის** ტბისათვის თევზის რესურსის მოპოვების კვოტა განისაზღვროს შემდეგი სახეობის თევზებზე შემდეგი ოდენობებით: სულ მოსაპოვებელი თევზის რესურსი – 12,4 ტონა, მათ შორის ჭაფალა – 10 ტონა, ხრამული – 2 ტონა, კობრი – 0,4 ტონა.

ბ) ლიცენზიის გაცემის წელს **საღამოს** ტბისათვის თევზის რესურსის მოპოვების კვოტა განისაზღვროს შემდეგი სახეობის თევზებზე შემდეგი ოდენობებით: სულ მოსაპოვებელი თევზის რესურსი - 19.2 ტონას, მათ შორის: კარასი 8.3 ტონა, ხრამული 3.8 ტონა, კავკასიური ქაშაპი 3.5 ტონა, ჭაფალა 2 ტონა, აღმოსავლური ფრიტა 1.6 ტონა.

2. ლიცენზიანტის მიერ სათანადო სათევზმეურნეო ღონისძიებების წარმართვის შემდგომ:

ტაბაწყურის ტბისათვის

– თევზის საერთო მარაგი ლიცენზიის გაცემიდან მეოთხე-მეშვიდე წელს უნდა შეადგენდეს მინიმუმ 60 ტონას, ხოლო მერვე წელს და შემდგომ წლებში მინიმუმ 90 ტონას. ლიცენზიის ვადის ამოწურვის დროს თევზის საერთო მარაგი უნდა შეადგენდეს მინიმუმ 90 ტონას. ლიცენზიის გაცემიდან მეოთხე წელს და შემდგომ წლებში თევზის საერთო მარაგში კარასის წილი უნდა შეადგენდეს მაქსიმუმ 2 %-ს, ხოლო სხვა თევზების წილი მინიმუმ 98 %-ს. მათ შორის: ადგილობრივი კალმახი საერთო მარაგის მინიმუმ 3%-ს, კობრი საერთო მარაგის მინიმუმ 7%-ს. ასეთივე მდგომარეობაში უნდა იყოს ტბა ლიცენზიის ვადის ამოწურვის დროს.

საღამოს ტბისათვის

– თევზის საერთო მარაგი ლიცენზიის გაცემიდან მეოთხე-მეშვიდე წელს უნდა შეადგენდეს მინიმუმ 40 ტონას, ხოლო მერვე წელს და შემდგომ წლებში მინიმუმ 60 ტონას. ლიცენზიის ვადის ამოწურვის დროს თევზის საერთო მარაგი უნდა შეადგენდეს მინიმუმ 60 ტონას. ლიცენზიის გაცემიდან მეოთხე წელს და შემდგომ წლებში თევზის საერთო მარაგში კარასის წილი უნდა შეადგენდეს მაქსიმუმ 20%-ს, ხოლო სხვა თევზების წილი მინიმუმ 80%-ს. მათ შორის: ადგილობრივი კალმახი საერთო მარაგის მინიმუმ 1.5%-ს, ადგილობრივი კობრი საერთო მარაგის მინიმუმ 5%-ს, ხრამული მინიმუმ 28%-ს და მურწა მინიმუმ 0.5%-ს. ასეთივე მდგომარეობაში უნდა იყოს ტბა ლიცენზიის ვადის ამოწურვის დროს.

გამარჯვებულის მიერ სააუქციონე მოთხოვნების დარღვევის შემთხვევაში მასზე გავრცელდება კანონმდებლობით გათვალისწინებული პასუხისმგებლობა